



N 21/1404
02/03/2023

1404-21-2-202303021824



სს „აჭარის წყლის აღიანსს“

მის: კ. გამსახურდიას ქ. N1, ბათუმი, საქართველო

ელ.ფოსტა: info@awa.ge

სსიპ გარემოს ეროვნულმა სააგენტომ განიხილა გარემოსდაცვითი გადაწყვეტილების მიღების მიზნით წარმოდგენილი თქვენი 2023 წლის 9 თებერვლის N33 განცხადება, რომელიც ეხება ქობულეთის მუნიციპალიტეტში, დაბა ოჩხამურში გამწმენდი ნაგებობის (N1) და წყალარინების სისტემის მშენებლობასა და ექსპლუატაციას. გაცნობებთ, რომ გზმ-ის ანგარიშსა და თანდართულ დოკუმენტაციაში არ არის მოცემული და დაზუსტებას საჭიროებს საქმიანობასთან დაკავშირებული, მათ შორის, სააგენტოს 2022 წლის 24 ნოემბრის N21/7173 წერილში მითითებული საკითხები, კერძოდ:

- როგორც სკოპინგის დასკვნით გეცნობათ, ქობულეთის დაცული ტერიტორიების საზღვრებში არსებულ უნიკალურ ტორფნარზე შესაძლო ნეგატიური გავლენის თავიდან ასარიდებლად მიზანშეწონილი არ არის N1 გამწმენდი ნაგებობის განთავსება განხორციელდეს პირველი (შერჩეული) ალტერნატივის შესაბამისად, რომელიც ქობულეთის დაცული ტერიტორიებიდან დაშორებულია 40 მეტრით. გზმ-ის ანგარიშში მოცემული ინფორმაციის თანახმად, დაგეგმილი საქმიანობის განხორციელება მოხდება მხოლოდ სსიპ დაცული ტერიტორიების სააგენტოსთან შეთანხმების შემდეგ. ზემოაღნიშნულიდან გამომდინარე, წარმოდგენილი უნდა იყოს სსიპ დაცული ტერიტორიების სააგენტოსთან შეთანხმების დამადასტურებელი დოკუმენტაცია;
- ანგარიშის თანახმად „პროექტით გათვალისწინებულია ფრანგული ტიპის ვერტიკალური ჰიდრობოტანიკური ნაკადის მქონე მოედნების მოწყობა ერთფილტრიანი საფეხურით. ეს ტექნოლოგია იძლევა საშუალებას, რომ საჭიროების შემთხვევაში მომავალში გაუმჯობესდეს გაწმენდის პროცესი (მეორე ფილტრის ეტაპი: ბიოლოგიური ფილტრის დამატება, ფილტრის შრის გაორმაგება, აერაცია და ა.შ.)“. დაზუსტებას საჭიროებს გაწმენდის პროცესის - მეორე ფილტრის ეტაპის შესახებ დეტალური მონაცემები და რა შემთხვევაში მოხდება მისი გამოყენება. ასევე დასაბუთებას და დეტალურ განხილვას საჭიროებს აღნიშნული გაწმენდის პროცესის გამოუყენებლობის საკითხი;

- გზშ-ის ანგარიშის თანახმად, „მილსადენის დერეფანი ნაწილობრივ გადის სატყეო ტერიტორიაზე. სამშენებლო სამუშაოების დაწყებამდე მილსადენის მოწყობის სამუშაოები შეთანხმდება ეროვნულ სატყეო სააგენტოსთან“, თუმცა წარმოდგენილი Shp ფაილებისა და გენ-გეგმის მიხედვით მილსადენის დერეფანი არ ხვდება სახელმწიფო ტყის ტერიტორიაზე. აღნიშნული საკითხი საჭიროებს დაზუსტებას;
- ზდრ-ის ნორმების პროექტის “ჩამდინარე წყლების ხარისხობრივი მდგომარეობა გაწმენდამდე და გაწმენდის შემდგომ“ ცხრილსა და გზშ-ის ანგარიშის 3.3.2 ცხრილში წარმოდგენილი დაბინძურების დატვირთვის მაჩვენებლები საჭიროებს დაზუსტებას და კონცენტრაციებთან შესაბამისობაში მოყვანას;
- გზშ-ის ანგარიშში მოცემული ჩანაწერი - „საქართველოს გარემოს დაცვისა და სოფლის მეურნეობის მინისტრის ბრძანების საფუძველზე გაიცა სკოპინგის დასკვნა“ საჭიროებს კორექტირებას, ვინაიდან აღნიშნულ საქმიანობაზე სკოპინგის დასკვნა გაცემულია სსიპ გარემოს ეროვნული სააგენტოს მიერ;
- ზემოაღნიშნული საკითხების გათვალისწინების შესახებ ინფორმაცია წარმოდგენილი უნდა იყოს ერთიანი ცხრილის სახით, სადაც მითითებული იქნება კონკრეტული ინფორმაცია, ასევე გზშ-ის ანგარიშის უშუალო ქვეთავ(ებ)ი.

ზემოაღნიშნულიდან გამომდინარე, სააგენტო გარემოსდაცვითი გადაწყვეტილების გაცემის მიზნით ადმინისტრაციულ წარმოებას დაიწყებს ზემოაღნიშნული შენიშვნების გათვალისწინებით გადამუშავებული, სრულყოფილი დოკუმენტაციის სააგენტოში წარმოდგენის შემდეგ.

თამარ ფიცხელაური

თ. ფიცხელაური

სააგენტოს უფროსი

სსიპ გარემოს ეროვნული სააგენტო

